

DIARIO tin cu rectificacion

Den caso cu Booshi Wever a entama

ORANJESTAD(AAN): Algun siman pasa a tuma lugar un kortgeding cu Minister Booshi Wever a entama contra DIARIO, pa existi rectificacion pa loke ta un articulo cu a sali den e matutino. Ta asina cu prome cu e caso di dos siman pasa, tabata tin un caso den cual Minister Wever a pidi rectificacion, pa loke ta un articulo cu a sali den DIARIO, cu supuestamente e Mandatario lo tabata envolvi den un pelea

na Venezuela. Huez a dicta cu DIARIO mester a pone u splicacion den corant pa bisa cu e articulo a wordo publica, sin cu DIARIO tabata tin suficiente prueba cu esaki ta berdad. DIARIO a hasi esaki, sinembargo tabata tin un otro articulo cu a sali, cu tabata bisa cu DIARIO a haya informacion cu supuestamente Minister Wever hunto cu otronan lo a bay intimidar personanan na Venezuela, cu lo a trece

dilanti e informacion di e supuesto problema cu e tabata envolvi aden den un Bar di Striptease. E Minister a haya cu esaki un biaha mas tabata atacha su nomber y el a entama un caso pa existi rectificacion di parti di DIARIO. Huez Diaranzon a duna su sentencia, den cual el a dicta cu DIARIO mester rectifica dentro di 2x 24 ora, paga e gastonan di e caso y 2500 florin na Minister Wever, como voorschot di daño inmaterial.

RIBA ORDO DI HUEZ RECTIFICACION

Den e edicion di Diario di dia 4 september 2006 a sali publica riba frontpage: "Booshi na Punto Fijo intimidando y persiguiendo Notario" y na pagina 2 bao di e titulo "Booshi na Punto Fijo! Intimidando y persiguiendo Notario y testigonan di Diario na Venezuela. Den e articulo aki ta acusa minister Candelario A.S.D. (Booshi) Wever di intimidar y persigui un notario y testigonan di Diario na Venezuela, di abuso di poder, di comportacion violento y otro comportacionnan manera describi den e articulo ei. E sentencia di e caso sumario di Corte di Prome Instancia di Aruba di dia 4 oktober 2006 ta dicta pa Diario rectifica e articulo aki. Diario no por proba e acusacionnan contra Minister Wever; no tin ningun material di prueba cu ta sostene e acusacionnan den e articulo di 4 september 2006. Minister Wever inhustamente ta wordo poni den lus negativo y su reputacion ta wordo tacha. Na opinion di Corte, Diario a actua di manera ilicito contra minister Wever cu publicacion di e articulo aki.

No tin fecha exacto, pa introduci di Sales Tax

ORANJESTAD(AAN): Diaranzon durante un entrevista cu relacionista publico di impuesto señora Merveline Romano, DIARIO a punte tocante di ultimo desaroyonan pa loke ta introduccion di e "Sales Tax". Segun sra Romano, ainda servicio di impuesto ta dunando presentacion na cierto grupo di interes manera e sindicatonan. Sinembargo falta pa duna presentacion na algun sindicato como tambe algun fundacion. E ley ta practicamente cla, pero na cierto caminda por bin algun cambio ainda. Servicio di impuesto ta preparando un campaña di informacion, cu ta bay

cuminsa durante e luna aki, pa informa tanto e consumidor, como tambe e comerciante mas detaye di kico ta e B.B.O aki ta encera. DIARIO a puntra sra Romano ki dia e ley lo keda completamente cla, pa wordo

presenta den Parlamento. Segun sra Romano, prome cu e ley yega Parlamento e tin cu bay Directie Wetgeving, Raad van Advies etc. Esaki ta nifica cu actualmente ta hopi dificil pa duna un fecha exacto.

MAGIC UPHOLSTERY

Cu su Experiencia di Calidad

Nos ta ofrece pa cambia e estilo di bo set di sala y dune un otro "LOOK". Jama pa afspraak tel: 741-9444 y nos ta pasa serca bo sin ningun compromiso.

POLE MODELS WANTED!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Bycycle full dorna
Antes Afl. 110,=
Awor Super Special
Afl. 55,=